

QVÆTIO MEDICA.

QVODLIBERTARIIS DISPVATIONIBVS AGITANDA IN SCHOLIS

Medicorum, die Mercurij 28. Nouembris, Magistro Guillelmo du Val Philosophiæ Regio professore,
& Doctore Medico, moderatore sapientissimo.

An vox vite index?

HOMINIS anima phyicarum formarum princeps, & diuine illius æternæque lucis radius immortalis, humanum corpus illud quidem longè pulcherrimum, omniumque temperatissimum sibi mancipat & adfciscit, vt functionum suarum expeditum & elegans instrumentum: Pro varietate siquidem officiorum vsuque multiplici, organa etiam plurima, partesque temperie & figurâ differentes assumit, has quidem ad alimenticonditionem, vt ventriculum ad *χολησιν*, Hepar ad *αίματισιν*, illas ad sensum vt oculos ad visionem quæ fit in humore crystallino, aures ad auditionem quæ fit in aëre innato, alias ad motum siue naturalem vt arterias ad pulsus, siue spontaneum vt laryngis musculos ad vocem, pedum ad incessum, siue mixtum, vt pulmones ad respirationem. Sed vt primus ille motor, motum, lumen, influxu cælo, soli, stellis dedit ad mundi gubernacula, sic & anima diuina sapientiæ imitatrix cordi viscerum validissimo, & calidissimo perennem systoles & diastoles motum, spirituum subtiliorum oeconomiam, ac denique vitalis omnis facultatis principatum imperiuit.

INCOR vite arbitrer ac dominus calorisque innati (a quo xui nostri mensura petitur) focus est ac principium; cuius idcirco vt & totius thoracis temperies, affectus, & conformatio vite modum ac tenorem, breuitatē ac longitudinem clarè certoque indicat, vt licet alio qui plurima extent vite longioris aut breuioris argumenta, illustriora tamen à corde, calorisque modulo, & totius medi ventris structurâ & diathesi reperantur. Promittunt quidem vite longevitatem quadrata corporis moles, non nimis obesa nec nimium gracilis (crassi autem citius moriuntur quam graciles) membrorum apta syntaxis, trium partium principum Cerebri quo nervi & facultas animalis, cordis à quo arteriæ & vite, Hepatis à quo sanguis & venæ oriuntur, robur & *εὐσπλαχία*, temperamentum etiam sanguineum, color floridus, oculi puri & splendentes (vt enim oculi vite & corporis) excretrix valida, victus ratio sobria, dentes acuti & frequentes, cutis modicè ad densata, exercitatio multa, venus rara, somnus medio cras, curarum vacuitas, *μετρώμελα*, vt & breuitatem, quæ hic sunt cōtraria. At sane longè fidelius vite statum annuntiant arteriarum pulsatio, pulmonum respiratio, cordis cōtinuus motus, thoracis amplitudo, omniumque cordi deferuentium organorū contextus, affectiones, & officia.

VOX quæ est sonus ore animalis editus, in aëre à pulmonibus attracto cum quadam intentione significandi, cordis, calorisque innati, diaphragmatis etiam, musculorum intercostalium, & musculorum abdominis, pulmenum, asperæ arteriæ, epiglottidis, laryngis, columellæ, earumque partium quæ vite priuato quodam iure dicatæ sunt, indolem refert ac temperamentum, vt cerè si vitalibus illis organis, siue viuo conformationis (vt in iis qui pectus habent depressum & tabulatum dicunturque *συνωσθεις*, vel scapulas alarum instar elatiore, dicunturque *ἀσπυρσθεις*) siue caloris inopia (vt in melancholicis, iisque qui cor prægrande habent (siue morbi impetu, feritate, pertinacia (vt in apoplepticis, pleuriticis, asthmaticis, peripneumoniacis, phthisicis) languor aliquis aut labes infederit, vox statim languidior ac remissior emittatur, atque etiam de repente irruat a quælibet leihalis qualis ex ebrietate & angina, sequi solet: si verò rectè habeat tota illa thoracis regio, firmaque omni ex parte sit, ac simul pectus amplum, vala dilatata, & cor infuso calore in quo vita consistit, abundet; vox etiam magnamatum & mentis (*φωνή τῆς ψυχῆς τοῦ σώματος*) nuntia sit & interpret, viteque diurnitatem, & robur si magna est, longa & grauis, breuitatem si parua, depressa, titubans, & intercisa, pollicetur.

REX VOX cum inspiratus aër & musculus thoracis atque intercostalibus vehementer compressus, è pulmonibus per arteriam vocalem confestim deducitur, qui angustiore via tractus in aërem in arteria ad laryngem vsque epiglottidis oppositu retentum impingit, & hic ad summam arteriæ pattem tresque eius cartilagine *ὑποφάρυγγος, ἀποφάρυγγος, ἀποφάρυγγος*, quasi ad plectrâ allisus sonat ac vocem effingit, quam suo accessu & recessu format epiglottis, gurgulio scita quadam modulatione temperat, lingua, palatum, nares, dentes & labra distinguunt ac dearticulant in sermonem qui solis hominibus ad vite societatem & iustitiae cultum prius est, vt vox solis animalibus terrestribus (piscēs enim omnes muti) languineis, respirantibus, cor habentibus, vitamque perfectiorem agentibus. Hinc homo quia animalium princeps & dominus, vocem edit omnium limpidissimam & perfectissimam, qua nunc veluti freno retinet, nunc veluti stimulo incitat, nunc veluti diuina quadam vi & illecebri placat, demulcet, allicit, cicurat & animantes & homines: Hinc eloquentiæ & musices mira facultas: Hinc tot *φωνήματα*. Humanarum autem vocum harmonia & aëricularum cantilenas & instrumentorum sonos suauitate vincit.

EST verò ad vitam tanti vox momenti vt non sexum modò, sed & ætates quibus quasi gradibus & terminis vite tempora definiuntur, omnino distinguat enotetque. Maribus enim & viris vox inest grauior & altior, feminis gracilior & quasi minuiens, spadonibus autem tertio hominum generi acuta, tenuis, exilis: nempe quia femellæ & Eunuchi frigidiores, molliores laxiores, viteque sunt breuioris: mares ac viri calidiores, robustiores, viteque diuturnioris. In pueris autem etiam oxyphonia, & ischnophonia quorum ætas infuso calore, & humore primigenio abundat, vox tamen adhuc mollicula est & imbecillis propter membrorum ténacitatem, & vocalium, vitaliumque organorum molliem & angustias. Cum verò puerilis ætas in adolescentiam transisset, sit vocis mutatio in maribus præcipue: nam cum prius ipsi acuta vox esset, cum in puberes euaserunt grauior redditur: tēpore autem medio *ῥεῦμα* rauca ipsi vocem edunt, hirciuntque. Sed qui florenti sunt ætate (quæ calida sicca est) amplo quoque pectore & latiori gutture, ij clarè constanter, diuque vociferantur. Senibus autem frigidis & siccis, vt & tabidis, ac moribundis deficiente sensum vite & calore, vox etiam flaccescit, languet ac minuitur. Quod si inter senes quidam clamor sit & vocalis, iis vt & aliis omnibus qui altè diuque vociferantur, vita securior est & prolixior, calidiores enim sunt, vita autem in calore posita est. Quibuscumque plurimum calidum infusum est, vocatissimi sunt, frigidus enim aer plurimus atque ex duobus magnis magna & quæ oriuntur existunt.

Ergo vox vite index.

Propugnabat Lutetie Parisorum CLAVDIVS GERVAIS Parisinus, anno dom. 1612.

DOMINI DOCTORES DISPVATVRI

M. Georgius Cornuty.
M. Guillelmus du Val, Profef. Reg. & præfes.
M. Dionysius Guerin.

M. Iacobus Latus,
M. Ioannes Riolant.
M. Andreas le Gros.

M. Nicolaus Labor.
M. Simon Pietre.
M. Georgius Cornuty.

